
Расмий муносабат

Ижтимоий тармоқларда Учкўприк тумани “Янгиобод” маҳалла фуқаролар йиғини ички кўчаларини асфальтлаш ишлари ҳозирги кунга қадар бажарилмагани, ажратилган маблағларнинг бир қисми йўқолиб қолгани ҳақида маълумот эълон қилинди.

Учкўприк тумани ҳокимлиги мазкур ҳолат юзасидан қуйидагиларни маълум қилади.

Ўзбекистон Республикаси Президентининг 2022 йил 25 октябрда қабул қилинган “2022-2023 йилларда маҳаллалар инфратузилмасини янада яхшилаш бўйича қўшимча чора-тадбирлар тўғрисида”ги 408-қарорига асосан “Янгиобод” маҳалла фуқаролар йиғини ҳудудидаги Янгиобод-1 кўчасининг 125 метр, Янгиобод-2 кўчасининг 204 метр, Гумбаз кўчасининг 200 метр, М.Дехқонов-1 кўчасининг 255 метр, М.Дехқонов-2 кўчасининг 152 метр қисмига асфальт ётқизилиши режалаштирилган.

Мазкур ишларни амалга ошириш учун 383 миллион 128 минг сўм маблағ ажратилган. 2022 йилнинг 9 декабрь куни ўтказилган тендер танловида “Фарғона йўллардан мунтазам фойдаланиш” унитар корхонаси ғолиб деб топилган.

Лойиҳа қурилиш пудрат ташкилоти томонидан 2023 йилнинг май ойига қадар якунланиши белгиланган.

Бундан ташқари, “Янгиобод” маҳалла фуқаролар йиғини ҳудудидаги ички кўчаларнинг 1 минг 100 метр қисмига туман маҳаллий бюджетининг орттирилган маблағлари ҳисобидан асфальт ётқизиш таклифи берилган.

2023-03-07 18:16:36